



Synfocity = 491

mail us at : mzsynfo@gmail.com; mizoramsynod@gmail.com - Phone - 2314648

12th June, 2014

☐ PHBS Graduation Day

June 10, 2014 khan Presbyterian Hindi Bible School chuan zirlai Batch 53-na te pualin Graduation Day a hmang. Programme hi Rev. Lalchhuanmawia, Synod Mission Board Secretary-in a kaihrui a, zirlai zing atangin Zonunsanga'n Bible chhiar leh tawngtaina hun hmangin inkhawm a tan a. Pi B. Kananmawii, Zirtirtuin reports a pe a, Rev. John Sharma, Principal-in result a puang a, Rev. C. Lalsangliana, Board member-in Certificate semin thu a sawi a, zirlai zaipawl mawi takin an zai bawk.

Rev. K. Lalthlanpuia, Director, MSK-in fuihna thuchah a sawi a, Upa Denghmingthanga, Board member-in zir chhuakte tawngtaisakna hun a hmang a, Bungkawn Kohhran zaipawl an zai zawhah Pu K. Vanthuama, Zirtirtuin lawmthu sawiin hun tihtawp a ni. Batch 53-naa zirlai zir chhuakte hi mi 29 an ni a, tha takin an passed vek a ni.

Presbyterian Hindi Bible School hi Mizoram Synod Mission Board-in Mizoram chhunga hnam dang ring tharte rinna kawnga an than zelna atan leh an ngheh zelna atana a din a ni a, Synod-in ram pawna rawngbawlina a zauh zel takah hian ram pawna ringharte mai bakah Para Church atang te pawhin zirlai lak an ni ta zel a ni. He School hi August 24, 1990 khan din a ni a, kum 1997 thleng khan thla thum course niin a hnu lamah chuan thla ruk course a ni ta a. Certificate in Theology course a ni a, tun thleng hian tuna zir chhuak tate nen hian mi 1292-in an zir chhuak tawh a ni. Tuna zir chhuak Batch hi state 11 atanga lo kal an ni. Admission hi january leh July thla tirahte hawn thin a ni.

☐ Zin

♦ June 13 & 14, 2014 hian Tuidam Bialin Home Mission School din an dilna zirchiang turin Rev. P.C. Pachhunga, Executive Secretary; Rev. Vanlalbela leh Upa Denghmingthanga te Tuidam-ah an kal ang.

♦ June 16 - 18, 2014 hian PCI Working Committee a tel turin Shillong-ah Rev. Lalzuithanga, Senior Executive Secretary a kal ang.

♦ Vawiin (June 12, 2014) khan W. Phaileng Pastor Quarters sak tur enchiang turin Pu Lalramenga Royte, Junior Engineer a kal.

♦ June 11 & 12, 2014 hian Presbyterian English School permission dil enfiah tur leh school tlawh turin Upa D.P. Biakkhuma, Supervisor of Schools chu West Phaileng, Kawnmawi, Rawpuichhip leh Lengpuiah a kal a, June 14 - 16, 2014 hian School tlawh tur leh Education Awareness Campaign nei turin Hualtu leh Thingsulah a kal leh ang.

☐ MSSU

♦ June 14, 2014 (Inrinni) hian Tlungvel Vengthar Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Upa K. Vanlalngbaka, Ramhlun East leh T.Upa F. Lalenghluna, Ramhlun Vengthar (MSSU Campaigner) te an kal ang.

♦ June 14, 2014 (Inrinni) hian Chhinga Vengthlang Kohhranah Sunday School Zirtirtu Training neih a ni dawn a, hemi neihpui tur hian Upa B. Lalmunliana, Bethlehem Venglai leh Pu R. Lalmingthanga, Republic Vengthlang (MSSU Campaigner) te an kal ang. Training bakah hian Upa B. Lalmunliana fanau enkawl (Child Evangelism) chungchang thuchah sawiin hun an hmang bawk ang.

☐ Synod Bookroom Conference Hall, Kolasib-ah hawng

Vawiin (June 12, 2014) chawhnu dar 1:00 khan Synod Bookroom Kolasib-a Bookroom Conference Hall thar chu Rev. Lalzuithanga, Senior Executive Secretary in hawng a, Pathian hnenah a hlan.

Programme hi Pastor R. Lalremruata, Diakkawn-in a kaihrui a, Pastor C. Lalchhuanawma, Hmar Veng-in hunserh a hmang a, Upa C. Lalmingmawia, Bookroom Committee Secretary hnen atangin Technical Reports ngaihthlak a ni a, Rev. Lalzuithanga, Senior Executive Secretary leh Upa R. Lalmalsawma, General Manager, PRESCOM-in thusawina hun an hmang. Diakkawn Bial Zaipawl, Tv. Dintluanga Tochwawng leh Tv. Andrew Laltlankima te an zai a, a duh apiang tan thusawina hun hawn leh a ni a, Upa K. Lalrema, Account In-charge, Bookroom Committee-in lawmthu sawina hun a hmang a, Rev. C. Lalrintluanga, Kolasib Venglaiin malsawmna in hun a khar a ni.

☐ Pro. Pastor Orientation

June 9 - 13, 2014 chhung hian nikum 2013 Synod Inkhawmpuia Pro. Pastor lak tharte pualin Orientation training, Synod Conference Centre, Mission Vengah neih mek a ni.

Training-ah hian rawngbawlina kawnga tangkai tur thil chi hrang hrang zirtir an ni a, resource person turte chu : Rev. Dr. R. Lalbiakmawia, Rev. Lalzuithanga, Upa Vanengliana, Rev. P.C. Pachhunga, Dr. Lalchhanhima, Rev. C. Rosiama, Dr. C. Lalhrekima, Rev. B. Sangthanga, Upa H. Zoliana, Rev. H. Remthanga, Dr. Robert S. Halliday, Rev. Zosangliana Colney, Rev. C. Vanlalhruiia, Upa F. Lalsangliana, Rev. Lalramliana Pachuau, Rev. Lalchhuanmawia, Rev. K. Lalmuchhuaka te an ni. June 13, 2014 (Zirtawpni) zanah Synod O.M. member-te nen inkawmhona hun an nei ang.

☐ Kohhran Hmeichhia

♦ **Buhfaitham Documentary Film tlangzarh dawn** : June 13, 2014 (Zirtawpni) chawhnu dar 2:00 hian J.M. Lloyd Hall, Synod Office-ah Kohhran Hmeichhiate buatsaih Buhfaitham Documentary Film tlangzarh a ni ang.

Programme hi Pi C. Lalmangaihi, Chairman-in a kaihrui ang a, Pi H. Lalpianthangi, General Secretary-in thupuanna hun a nei ang a, Pi Laldawnkimi, Convener hnen atangin Report ngaihthlak a ni ang. Upa C. Vanlalsiama hnen atangin Technical Report ngaihthlak leh a ni ang a, Rev. Lalramliana Pachuau, Executive Secretary-in Documentary Film a tlangzarh ang a, Pathian hnenah a hlan ang.

Buhfaitham hi kum 1910-ah tham tan a ni a, kum 2010 khan Electric Veng Kohhranah Rorel Inkhawm rualin Buhfaitham Centenary lawmna hun hman tawh a ni. Centenary denchenin Central Committee chuan Synod Executive Committee-ah Buhfaitham Documentary Film buatsaih an dil angin rem tih a ni a. Sub-Committee te insiamin hma lak chhoh a ni a, a thawnthu (script) lo siam turin Pi C. Lalneithangi ruat a ni a, Zarkawt leh Mission Veng Kohhran Hmeichhiate a chang tura sawm an ni a, a tul angin milem te dah tel a ni bawk.

♦ June 14, 2014 (Inrinni) hian Luangmual Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi C. Lalmangaihi, Chairman leh Dr. Vanlalhruii, Asst. Secretary te an kal ang.

♦ June 14 & 15, 2014 hian Armed Veng North Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Ramngaisangi, Pi Maria Lalchhanhimi leh Pi B. Zomawithangi (Committee Members) te an kal ang.

☐ **Music**

June 11 - 14, 2014 hian Vairengte Kohhranah Hla hruai training neihpui turin Pu Lalromawia, Senior Music Instructor leh Tv. Lalchhuanawma, Durtlang te an kal.

☐ **Synod Mission Board**

- ♦ Synod Mission Board chuan Short Term Missionary atan heng mi te hi an la thar :

S/n	Hming	Veng	Awmna tur	Thawh hun chung
1.	T. Chuangkima	Zemabawk, Aizawl	Kolkata Mission Field	1.7.2014 - 29.9.2014
2.	C. Romangpuia	Zemabawk, Aizawl	Kolkata Mission Field	1.7.2014 - 29.9.2014
3.	Chuauhluna	Saron Veng, Aizawl	Patna Mission Field	23.6.2014 - 21.9.2014
4.	Lalthahmingthanga	Saron Veng, Aizawl	Patna Mission Field	23.6.2014 - 21.9.2014
5.	Lianchhawthanga	Saron Veng, Aizawl	Patna Mission Field	23.6.2014 - 21.9.2014
6.	Thangchhuaka	Saron Veng, Aizawl	Patna Mission Field	23.6.2014 - 21.9.2014

- ♦ June 11, 2014-a Arunachal & Assam Mission Field West Working Committee, Itanagar-a neih chuan kum 2014 chhhunga baptisma chang tawh zat hetiang hian a tarlang : Naupang - 102, Puitling - 93, Total = 195

- ♦ Synod Mission Board hnuai School-te chu HSLC Result 2014 chhuakah an ti tha hlawn hle a, heng School te hian 100% in an pass vek a ni - Oriental H/S, Silchar; Rowland Memorial H/S; Calvary H/S, Tuidu; Jeruel English School, Lakla; St. Peter H/S, Madhuripathar; Jubilee Model H/S, Jonai; St. Paul H/S, Baurabkunda, Assam; Presbyterian Mission School, Diphu; Presbyterian Mission School, Hamren leh Presbyterian Mission School, Koilamati te an ni. SEBA hnuai Synod Mission School zawng zawngte chu za-ah za (100%) an pass vek a ni.

☐ **NEICCYA Biennial Conference-cum-Seminar**

June 12 - 15, 2014 hian North East India Christian Council Youth Assembly (NEICCYA) 15th Biennial Conference-cum-Seminar, ECM Church of Vaihpi, Saiha-ah neih a ni dawn a, inkhawmpui hi Evangelical Church of Maraland (ECM) ten an thleng dawn a ni. Inkhawmpui thupuih 'Oneness in Christ' (John 17:20 - 21) an hmang ang.

Central KTP aiawha palai turin mi 12 an kal a, Mizoram Synod Choir an kal bawk. Mizoram Synod Choir-te hi inkhawmpui chungin tum 4 (Inrinni zan, Pathianni Chawhma, Pathianni Chawhnu leh Pathianni Zan) an zai ang.

☐ **Zualko**

- ♦ Missionary senior Pu V.L. Ruala (76), Dawrpui Jail Veng chu June 7, 2014 tlai dar 5:35 khan lungphu chawlin a thi a, June 8, 2014 chhun dar 12:00 khan vui a ni.

- ♦ Pu R. Lalremmawia (29), Lunglei Synod Office Bus Driver chu June 9, 2014 chawhma dar 10:10 khan Malaria PF in a thi a, June 10, 2014 chhun dar 12:00 khan Lunglei Farm Vengah vui a ni.

☐ **Hruaina Eng TV 24x7 Programme**

Synod Information and Publicity Department chuan Hruaina Eng TV 24x7 chu thlirtute tana remchan zawkna a nih beiseiin regular programme a hnuai tarlan ang hian a kalpui tan ve ta.

PROGRAMME/HMING	CHHUAH HUN	PROGRAMME TLANGPUI TUR
Chhungkua	Sunday 8:00 PM Weekly	Synod Department hrang hrang chanchin te, Ramthar Field rawngbawlna te, inkhawmpui hrang hrang (kumin chungna neih) te leh rawngbawltu kawmna te.
Hruaina Eng	Friday 8:00 PM Weekly	Kohhran mipuite tisa leh thlarau lama zirtirna leh kaihhraina lam eg. Talk Show, Seminar, mithiam bik kawmna etc.
Kristian Thalai Sermon	Tuesday 8:00 PM Weekly Sunday 7:00 AM Tuesday 2:00 PM Thursday 2:00 PM	Kristian Thalai te pual - KTP Conf. te, KTP Film te, etc. Sermon chi hrang hrang
Nghilhloh Nan	First Thursday 8:00 PM Monthly	Rawngbawltu hmasa chatuan ram pan tawh te leh la damte pholanna te, hun kal tawha thil thleng pawimawh te tarlan tum a ni.

Note : Kristian Naupang Pual tur pawh Saturday 3:00 PM chhuak thin tura buatsaih mek a ni.

☐ **Hruaina Eng FM Radio & TV Programme**

- ♦ **JUNE 13 (FM Zoawi Aizawl @ 7:30 p.m.) :**

Solo : Fiona - A hnenrawn pan la, **Choir** : Chawnpui Pastor Bial Zaipawl - Ropuina, **Thuchah** : Upa Bonny Lalrindika - Thalaite pawimawhna, **Solo** : Sawmtea- A mite tan, **Choir** : Ramthar Pastor Bial Zaipawl - Huntha a liam hma hian, **Solo** : Nunu-i - Ka rinchhan Lalpa

- ♦ **JUNE 13 (FM Lunglei @ 7:30 p.m.) :**

Solo : Fiona - A hnenrawn pan la, **Synod News**, **Choir** : Chawnpui Pastor Bial Zaipawl - Ropuina, **Thuchah** : Upa Bonny Lalrindika - Thalaite pawimawhna, **Solo** : Sawmtea- A mite tan, **Choir** : Ramthar Pastor Bial Zaipawl - Huntha a liam hma hian, **Solo** : Nunu-i - Ka rinchhan Lalpa

- ♦ **JUNE 15 (TV Programme @ 3:00 p.m.) :**

Zaipawl : Durtlang Bial Zaipawl - Lalpa Beramhote, **Sermon** : Upa R. Lalhmachhuana - Miten eng hmuhin nge min hmuh, **Zaipawl** : Kulikawn Bial Zaipawl - Min tir ta che, **Interview** : Prof. Laltuangliana Khiangte, **KTP Diamond Jubilee Skit** : Chanmari Bial

☐ **Susamachar Prasaran Programme**

JUNE 15 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Durtlang Masihi Sangati - Ayega, **Group/Choir/Solo** : Chanmari Masihi Sangati - Jisu Tomai, **Sermon** : Zohmingthanga - Yesu Sabka Sahara, **Group/Choir/Solo** : Electric Bial Masihi Sangati Zaipawl, **Group/Choir/Solo** : LH Hindi School - Yesu MASIHI

☐ **Synod Moderator Programme**

Synod Moderator Rev. K. Lalhmuchhuaka chuan June 13 - 19, 2014 chung hian Bangalore Kohhran a tlawn ang. Moderator hi Pu H. Vanlalchhuanga, Supervisor of Schools in a tawiawm ang.